

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036

B.2025

Nd.7 Ng.23

Liggaeuq ietceih nienz ndwenloeg ngeihgouj Geizsoq: Gungh daih 3678 geiz

《Sawbeizhau Gvangjsih Yinzgungh Cinwngz Canjyez Hwngfat(Bi 2025)》Cingqsik Fatbouh

7 nyied 17 hauh, 《Sawbeizhau Gvangjsih Yinzgungh Cinwngz Canjyez Hwngfat(Bi 2025)》cingqsik fatbouh, cek saw neix youz Swcigih Sinsiz Cunghsinh bienraiz. 《Sawbeizhau》yienh' ok, Gvangjsih yungh gij swhyenz ndei bonjfaenh, doinyoengx yinzgungh cinwngz canjyez hwngfat aeundaej cingzcik yienhda.

Guhndei hwngfat vanzging fuengmienh, bi 2024 doxdaeuj, Gvangjsih gungh yaenqfat hengzguh coihaeuj yinzgungh cinwngz hwngfat cwngcwz vwnzgen 17 faenh, laebbaenz Gvangjsih yinzgungh cinwngz hwngfat gunghcoz cienban, cauhnduj daengx aen boiqhab “dieg sueng mbin”, laeb 100 ik maenz cienzgoek yinzgungh cinwngz canjyez haeujcoengh yinzgungh cinwngz canjyez hwngfat.

Giekdae sezsih cengjdingx fuengmienh, swcigih gunghgung soqgawq haicuengq bingzdaiz gaenq comz gunghgung soqgawq 93.79 ik diuz, daengx gih gyoeksuenq hwnqbaenz 5G gihcan mauhqua 14 fanh aen, muengxdoxlienx cuzgouj gvanhdai daengz 6175 fanh cau, hwnqbaenz 12 diuz gvanghlanj dieghawq gozci doeng Dunghmungz.

Aen gvaengx gvanhgen cauhmoq fuengmienh, haeujlaeg saedhengz aen hengzdoengh “byaisoem”, cujciz guh aen cienhangh hungnaek canjyez cauhmoq gohgi “yinzgungh cinwngz +”. Daengz bineix 5 nyied, Gvangjsih yinzgungh cinwngz mizgven soq bauq cienleih gyoeksuenq miz 2248 gienh.

Hangzyez yungh fuengmienh, cienzmienh guhlaeg “yinzgungh

cinwngz +” yungzhab yungh, gaenq guhbaenz nangqdaengz nungzyez、cauhguh、yihliuz、gyaudoeng、vwnzlij doenghgij dieg neix. Canjyez hwngfat fuengmienh, daengx gih yinzgungh cinwngz gveihmoz doxhwnj giyez 267 aen, bi 2024 Gvangjsih laebdaeb guh yinzgungh cinwngz mizgven giyez 2708 aen, caeuq bi 2023 beij lai hwnj 32.55%.

Coh Dunghmungz haicuengq doxgap fuengmienh, gyavaig caezhwnq Cungguek—Dunghmungz Yinzgungh Cinwngz Cauhmoq Doxgap Cunghsinh, gaenq ciemdingh 40 aen hanghmoeg youqgaenj, nangqdaengz mozhangz hung caeuq “yinzgungh cinwngz +” aen gvaengx youqgaenj, roengzgoek ca mbouj geijlai 80 ik maenz. Buek nduj 16 aen giyez 6 aen Dunghmungz

guckgya haenx guhsat ciemdingh capyouq.

《Sawbeizhau》doiq yamqlaeng guhndei hwngfat daezok haj aen genyi. It dwg cimyawj banhfap, cauhmoq diuzroen yinzgungh cinwngz hwngfat ndei saed. Ngeih dwg ak goek daez naengz, cuknet yinzgungh cinwngz hwngfat giekdae. Sam dwg cauhmoq yungh, cau aen swnghdai canjyez yinzgungh cinwngz yungzhab ceiq ndei. Seiq dwg mbe'gvangq Dunghmungz, guhlaeg haicuengq doxgap caeuq guhyienh yungh gisuz. Haj dwg ancienz baengh ndaej, dungjcouz yinzgungh cinwngz canjyez hwngfat caeuq ancienz.

(daj 《Gvangjsih Yizbau》aeu daeuj genj hoiz Goz Yenginzi Cai Lienglieng)



Sanhgyangh: Luzgyaz Baij Yienghndei

7 nyied 19 hauh banhaemh, Sanhgyangh Duncuz Swciyen guh yienghsaeh langhbaij feihyiz vwnzva Luzgyaz Gujyiz Cin, aen cin neix ganbu cizgungh、bouxcienzswnj feihyiz caeuq gyoengq boux gyaez vwnzva Luzgyaz caemh daiz yienjheiq, langhbaij gosinhang Luzgyaz、ndangdaenj Luzgyaz、hongdawz doenghgij neix, langhbaij gij yinxdaeuz vwnzva Luzgyaz okdaeuj hawj vunz yawj. Ndaw doz dwg gyoengqvunz cingq youq gwnz daiz diuq foux.

(Gungh Bujgangh Liengz Siumingz ingi)

Cingsih: “Samgyau” Hawj Bien'gyaiq Gyaueu、Bouxminz Bien'gyaiq Miz

Geij bi neix daeuj, Cingsih Si aeu couqmaenh gij eiqsik Cunghvaz Minzcuz ranz vunz ndeu guh sienqmeh, doenggvaq canjyez hwng bien、vwnzlij yungzhab、guhhyienh dazyinx, doinyoengx gak minzcuz doxbyaij doxgyau doxyungz hwngfat laegdaeuq, guhbaenz aenbiengz bien'gyaiq gyaueu、bouxminz bien'gyaiq miz、bien'gyaiq onj.

Aen si neix baengh gijndei diegbya ndaem haeuxnaz ciengx bya, cauhaeb “dajndaem—gyagoeng—gai” daengx diuzlienx canjyez, Cingsih youzcaz、haeuxniudaih daengj 9 gaiq huq ndaej sengjgaep doxhwnj nyinhcingq baenz huqndei, hawj bouxguhnaz bi bingzyaenz lai ndaej baenz fanh

maenz. Hamj guek canjyez caez okrengz, Lungzbanh Goujan huq haeujok guek bi cunggvaq 10 fanh dunh, doiq rogguek gaicawx daengz 237 ik maenz, bouxminz bien'gyaiq baedauq gaicawx nangqdaengz 38 aen mbanj henzguck.

Hopheux “fungcingz bien'gyaiq +”, doihaeuj cauhaeb Byagujlungzsanh lueg hung 5A ginggih, cauhaeb aen vunqsik guenjguh Mboqhanq—Giucouh. Giujsiu Gujcin senjhaeuj gaep guekgya dieg comz banhaemh sawj ngoenz. Gyaueu Cingsih daengj 3 loh doxgaiq miz daegsaek hawj vunz haengj gyaez, Mancuengh、aendom caeuq lijyouz doxyungz hwnjdaeuj.

Saedhengz hwnqguh rangh guhyienh “seiq yiengh gap baenz aen”: Yanghcin henzguck cau rangh guhyienh “souj bien fouq minz”, yanghcin baihnanz hwnqguh rangh guhyienh “canjyez hwng bien”, yanghcin gvendaengz lij gunghanq rangh guhyienh “gunghyez hoengh bien”, yanghcin baihbaek cauhaeb rangh guhyienh “swnghdai hen bien”. Cungenj cau Vadung Bazdwz Cunh daengj 6 aen mbanj miz daegsaek minzcuz, doenggvaq “ranzyouq miz daegsaek + vwnzlij + feihyiz” vunqsik, langhbaij yiengh ndaejndei minzcuz doxgiat baenaj.

(Hij Fungfeih Banh Dauh)